

UNA PILLUGU NASSUIAAT:

Kalaallit Nanaanni umimmaat eqqissisimatitaanerat pil-lugu nalunaarut.

Ukiut 4000-4500 matuma siorna umimmaat ingerlaarnermin-ni Canadamiit Tunup avannaanut killipput. Ullumikkut Tunup avannaa tassaalersimavoq umimmaat najuartat siam-marsimaffiisa kangisinnersaat. Allatut oqaatigalugu tassaavoq ingerlariaqqissinnaajunnaarlutik killiffiat.

Umimmaat Avandersuarmi 1850-1860-ikkunni nungussimap-put. Nyeboe Landimiit Peary Land ilanngullugu ullumikkut 1000 missiliorlugit amerlassusilinnik umimmaqar-poq. Station Nordip Ittoqqortoormiillu akornanni ullumikkut 16-18000-inik umimmaqarpoq. Taakku ilaat 12000-13000 Nunami Uumasui Ilanngullugit Eqqissisimatitamiip-put, 4000- 5000-illu Ittoqqortoormiit kommuneanniillu-tik.

Taakku saniatigut ullumikkut Kitaani Kangerlussuup eq-qaani 1300-1500-nik umimmaqarpoq, tassa Tunup avannaanit tamaanga 1964-65-imi umimmaaqqat 27 nuunneqarsimamata .

Umimmaat Tunup avannaaneersut ukiut 1900-kkut ingerla-neranni nunarsuarmi assigiinngisitaartorpassuarnut umimmaqarfinnik nutaanik pilersitsinissaq siunertaralugu nuunneqartarsimapput. Nuutsiviusimapput Tuluit Nunaat, Norge, Island, Svalbard, Alaska, Sibirien kiisalu Ka-laallit Nunaata Kitaa.

Umimmannik eqqissisimatitsinissamik malittarisassat pi-

sortatigoortut siullit 1925-mi inspektøreqarfíup Scoresbysundip pil-rsinneqarnerata kingorna suliarineqarput. Taakku eqqissisimatitsinissamut aalajangersakkánik nutaanik 1947-mi taarserneqarput (Kalaallit Nunaata aqunneqarnera pillugu nalunaarutit nr. 3, 1947), aalajangersakkallu taakku suli taamaallaat Ittoqqortoormiut atuupput. Aalajangersakkatigut taakkunuunatigut inuit ajornartorsiulernerminnik killilerujussuarmik umimmanniarsinnaanissaat ammaanneqarpoq.

1950-imi 1956-imilu nalunaarutit Ittoqqortoormiit distriktiata avannaani umimmanni eqqissisimatitsinermut tunngasut siullit saqqummerput. Umimmanniarnissaq inerteqqutigineqarpoq, taamaallaat umimmanniarsinnaallutik piniartut taamaaqataallu, taakkulu piffissami umimanniarfiusinnaasumi 1. augustimiit 31. maji-mut ingerlasumi umimmanni pannernik kisermanik aalajangersimasumik amerlassusilinnik (kvota) pisaqarsinnaatitaapput. (Nalunaarut nr. 528 1. december 1950-imeersoq, Nalunaarut nr. 218 31. juli 1956-imeersoq).

1958-imi Ittoqqortoormiit distriktiat umimmattassinneqarpoq innuttaasunut 15-inut piniariarnermut ataatsimut umimmammik ataats **mik** pisaqartoqarsinnaanngorlugu. Akuersissutigineqarpoq inspektørip aaqqissuussaanik nammineerlunilu siulersugaanik ukiumut marloriarluni umimmanniartoqarsinnaassasoq (Nalunaarut 23. juni 1958 - meersoq aamma Nalunaarut 9. december 1958-imeersoq).

Ukioq taanna umimmaat Ittoqqortoormiit kommuneta ava-taaniittut Tunullu avannaata sinneraniittut eqqissisimatitaalluinnalerput. (Nalunaarut 11. juni 1958-imeersoq).

Nuna uumasui ilanngullugit eqqissisimatitaq 1974-imi pilersinnegarmat Ittoqqortoormiit kommuneata avannaani

umimmanniarneq inerteqqutaalluinnaalerpoq . (Inatsit nr. 266 22. maj 1974-imeersoq) .

1977-imi Kalaallit Nunaanni umimmaat eqqissisimatitaanerat pillugu nalunaarut kingullermik allanngortinneqarpoq (Nalunaarut nr. 588 2. december 1977-imeersoq) , tassani umimmaat Kalaallit Nunaannî sumiluunniit toqungatillugit nassaat timaasa ilaat suulluunniit katersornissaat, nassiunnissaat Kalaallit Nunaanniillu aalarunnissaat inerteqqutigineqarput.

Nalunaarutissamut nutaamut siunnersuummi matumani makku kissaatigineqarput :

1. Umimmaat pillugit aalajangersakkat tamarmik malittarisassanut ataatsinut ketersornissaat,
2. Malittarisassat atortinneqarnerisa nakkutigineqarnisalu pisariillisarneqarnissaat ,
3. Pisassanik killilersuisarnerup uumasunut najuartanut ilisimatuut (biolog **t**) nalilersuineri malillugit pisarnissaat.

§ 1.

Piffissat piniarsinnaatitaaffiit nunallu eqqissisimatisiviit.

Piffissat Ittoqqortoormiuni piniarsinnaatitaafflit ullumikkumut umimmanniarsinnaatitaaffiit assigiinnarpaat.

Piffissaq Kitaani umimmanniarsinnaatitaaffiusoq nujuartanik tuttunn **ars**innaatitaaffiup naligaa.

Maluginiartariaqarpoq sakkutoogarfiup aammalu tuttoqarfinngortinneqarsimasutut taaneqartut killiligaaneri ki

ngusinnerusukkut amerikamiunit ogartussaasunit aammalu kommunenit susassaqartunit allanngortinnejqaratarsinnaasut.

§ 2.

Pisassat aalajangersarneqartarneri utoqqaasutsinullu agguataarisarneq.

Pisassanik killilersuiffiusuni arlariinni umimmattassat (angutiviaaneri arnaviaanerilu aammalu utoqqaassusii tunngavigalugit agguarlugit) amerlassusii uumasunik nujuartanik ilisimatuut (biologit) ukioq taanna ukiunerata naanerani umimmaqassusianik paassisutissiissutigisinnaasaat tunngavigalugit Naalakkersuisunit aasat tamaasa aalajangersarneqartassapput.

Ittoqqortoormiuni pisassat amerlassusissaat kingusinnerpaamik 9. juli Angujaartorfiullu Nunaani pisassat amerlassusissaat kingusinnerpaamik 20. juni Naalakkersuisunit tamanut nalunaarutigineqartassapput.

Killilersukkanik piniarnermi piniartut allanik aalajangersaaffigineqarsimassappata killilersuiffigineqarsi-massappatalu peqatigitillugit tamanut nalunaarutig **ne-**qassapput.

Taaguut norraq paasineqassaaq: Piaqqat arnavissat angutivissallu 0-miit 12 ilanngullugu qaamatillit. Norraq utoqqaanerulaaq paasineqassaaq: Noraat arnavissat angutivissallu 13-init 24 ilanngullugu qaamatillit; Taaguut umimmaaraq paasineqassaaq: Arnavissat 1-2 ukiullit (tassa 13-init 36 ilanngullugu qaamatillit) kiisalu angutivissat 1-4 ukiullit (tassa 13-init 60 ilanngullugu qaamatillit).

Taamaalillutik arnavissat inersimasut tassaalerput arnavissat pingasunik ukiullit utoqqaanerusulluunniit (tassa 36 sinnerlugu qaammatillit) . Angutivissat inersimasut tassaapput angutivissat tallimanik ukiullit u toqqaanerusulluunniit (tassa 60 sinnerlugu qaammatillit) .

§ 3.

Inuit umimmanniarsinnaatitaasut.

Taamaallaat umimmanniarsinnaatitaapput inuit Kalaallit Nunaanni najugaqartut inuiannullu kalaallinut attuumassutaqavissuusut aammalu aallaaniarnermik inuutissarsiu teqavissutut allagartamik qanoq ilisukkulluunniit atortuusumik uppernarsaateqartut. Piumasarisat taakku assigaat soorlu Kalaallit Nunaanni tamarmi nannunniarsinnaatitaan **ssamut** aammalu Kitaani aaffanniartitaanissamut akuerineqassagaanni piumasarisat.

§ 4.

Piniariaatsit.

Kaliberip minnerpaaffissaanik aalajangersagaq (6,5 mm), aqitsunik nuulinnik aqerloqarnissaq kiisalu eqqarasuartaatinik sakkuqarnissamik inerteqquteqarneq 1958-illi aallartinnerani Ittoqqortoormiuni eqqaannilu umimmanniarnissamut piumasarisat maliinnarlugit aalajangersarneqarput.

Ittoqqortoormiit kommuneanni umimmanniartilluni qimmlisarnissaq inerteqqutaanngilaq, tassa taamaaliorneq taamatut ileqqooreersut malillugit piniartarnerup ilaatut isagineqarmat. Aamma piffissami piniarsinnaatitaaf-fiusumi 20. november - 20. december qimussit taamaal-

laat umimmanniarfimmut tassanngaaniillu angallatissatut akuerisaapput.

Kitaani qimmit aavarfinnut nassaqqusaanngillat aavarnerup nalaani 1. august - 25. september; taamatut inerteqquteqarneq aamma umimmanniarnermut atatillugu ingerlatiinnarumaneqarpoq.

Umimmanniarfissap tungaanut tassanngaaniillu angallati ni motorilinni atorneqarsinnaasutuaapput umiatsiaat (umiatsiaaqqaq atuuteralallit ilanngullugit). Tassa allatut oqaatigalugu 20. november - 20. december Ittoqqortoormiit kommuneanni umimmanniarsinnaatitaanerup nalaani snescooterit atoqqusaanngillat.

Taamatut inerteqquteqarnertigut anguniarneqarpoq uumasut najukkaminni akornusersorseqannginnissaat aammalu piniartut ileqqutoqqat malillugit piniartartut naleqqu-tinngitsumik unammillerneqannginnissaat.

Piniartup ingerlaannarluni atorsinnaanngisaminit ingerlaannarluniluunniit nassarsinnaanngisaminit amerlanerunsik pisaqarnissaanut inerteqquteqarneq pisuussutit uumassusillit maangaannartinneqannginnissaat atorner-lunneqannginnissaallu siunertaralugit aalajangersarne-qarpoq. Aalajangersakkamut tassunga assingusunik ilaatigut timmissanik eqqisisimatitsinermut tunngatillugu inatsisiniittoqarpoq.

§ 5.

Uumasunik nujuartanik ilisimatuut (biologit)
paasissutissiissutaat.

Umimmattat allerui tunniunneqartut uumasunik nujuartanik ilisimatuunit (biologinit) misissorneqartassapput.

Alleqput uuttortarneqartassapput aammalu umimmaaqqat tallimassaat qiteqqullugu ukiullit eqqarsaatigalugit kiguteqqaataasa katattussat kigutaasalu katattussaanngitsut qanoq nusiatigineri tunngavigalugit qanorpiaq utoqqaassusii aalajangerneqartassallutik. Umimmaat utoqqaanerugaangata erlipaat saarleq peerneqartassaaq, taavalu tassannga saattuarannguamik peersisoqartassaaq, taannalu piigaq misissorneqareeraangat kigutip ukiumit ukiumut issutsikkiartorneri tunngavigalugit utoqqaassusia aalajangerneqartassalluni.

Taamaalilluni umimmaat umimmaqarfimmi aalajangersimasuminggaaneersut allerui tunniunneqartartut atorlugit angissusii qanorlu peroriartortigineri, umimmaat ataatsimoorlutik atugarisaat kiisalu pisarineqarsinnaasut pisarineqartartullu qanoq imminnut naleqqutsiginerat naliliiffiginiarnissaannut periarfissaqassaaq.

Taamaalillutillu pisortat siunissami pisassat amerlas-susilertarnissaannut ungasinnerusorlu eqqarsaatigalugu nakkutigininninnermik ingerlatsinissaannut pitsaanerusunik periarfissinneqassapput.

Angujaartorfiup Nunaani umimmanniarsinnaanissamut akue-rineqartut kommunemiiit nalunaaqutsiusassanik ataasiak-kamik atortakkanik najukkaminni pisortanit tunineqar-nermik saniatigut aamma allagartamik plastikimik alleq-qup kommunemut tunniutinnginnerani tassunga ikkutassaminnik tunineqartassapput.

Allagartaq plastiki taamaattoq Ittoqqortoormiit kommu-neani umimmanniartussanut aamma tunniunneqartassaaq.

Allagartami allassimassapput pisarineqartup angutiviaanera arnaviaaneraluunniit, ulloq pisarineqarfia aammalu sumi pisarinegarnera p **llugu** paassisutissat. Allagartaq

piniartumît immersorneqassaaq savimmik killingatigut ilanngarsisarluni (tak. titartagaq ilanngunneqartoq) .

§ 6.

Nalunaaqutsiussassat ataasiakkamik atortakkat.

Angujaartorfiup Nunaani umimmattarineqarsinnaasut um **m-**manniarumallutik soqutiginnittut amerlassusiinut naleq qiullugit killilimmik amerlassuseqassapput. Angujaartorfiup Nunaani umimmaat amerlassusii piffissami sivisuumi nakkutigineqartussaassapput.

Tamaku pissutigalugit pitsasuussaag umimmaat Angujaartorfiup Nunaani pisarineqartut nalunaarsorneqarsin naanngorlugit periuseqalissammat, taamaalillunimi taamaani umimmattarineqartartut amerlassusii aqukkuminarner ussapput.

Aaqqissuussinermik tassunga assingusumik ilaatigut Qeqertarsuarmi Nuussuarmilu akuersissuteqarluni aavartarnermut atatillugu aallartitsisogarsimavoq.

Nalunaaqutsersuut ataasiakkamik atorneqartartoq tassavoq savimineq takisooq 1 cm missiliorlugu silissusilik naqigutamik normulik. (Quttoqqap talerperliup kimmata ujaluanut silittumut) nalunaaqutsersuut invertinneqaraangat isui imminnut peqillugit aalajangerneqartassapput, imminnilu parnaaraangamik ammaqqissinnaajunnaartarlutik.

Nalunaaqutsiussassaq ataasiakkamik atortagaq allagartamut paassisutissiissutissamut (§ 5-imut atatillugu eq-qartorneqartumut) ilanngullugu kommunemit tunniunneqartassaaq.

§§ 7-8.

Annissisinnaaneq, uumatillugit pisaqartarneq
umimmaliisarnerlu.

Umimmaat Washington-imí isumaqatigiissummi uumasut nungaqqajaasut nalunaarsuutaanni ilaatinneqanngillat, ki siannili Kalaallit Nunaanni Namminersornerullutik Oqartussat isumaqarput taakku aammalu timaasa ilaasa pile-rigineqartut annissorneqarnissaat nakkutig **negartaria-**qartut.

Aammataaq kissaatigineqarpoq umimmaat uumatillugit pisarineqartarnerat aammalu Kalaallit Nunaanni piffinnut nutaanut umimmaliisarneq kiisalu umimmannik ungalusaniitsisarneq qitiusumik aqunneqartariaqartut.

Paragrafini 7-mi 8-milu eqqartorneqartutut iliuuseqalersigani akuersissut uunga piniarneqassaaq:
Namminersornerullutik Oqartussat, Box 1060, 3900 Nuuk.

§ 9.

Umimmaat unioqqutitsilluni pisarineqarsimasut timaasa ilaannaasaluunniit tunniunnissaat tuninissaalluunniit inerteqquaapput. Ilanngullugit tak. § 11-mut nassuiaait.

§ 10.

Pineqaatissiisarnerit.

Paragrafit 1-imiiit 9 ilanngullugu unioqqutinneqarsimasut paasineqaruni taamaaliorneq politiinut unnerluussissutigineqassaaq, aammalu unioqqutitsilluni pisat kiisalu sakkut angallallu, snescooterit angallatilluun

niit allat atorneqarsimagunik arsaarinnissutigineqas-sallutik Kalaallit Nunaanni Namminersornerullutik Oqartussanut nakkartussanngorlugit.

Neqit taamatut arsaarinnissutigineqartut nerineqarsin-naasullu Kalaallit Nunaanni Namminersornerullutik Oqartussat naliliinerat naapertorlugu inunniq isumaginn **n-**n **kkut** paaqqinnittarfinnut tunniunneqartassapput .

Paragarfimi tassani aalajangersakkat assigaat tuttuniarnermik, nannunniarnermik timmissanillu piniarnermik aalajangersakkanik unioqqutitsisoqartillugu periusiusartut .

§ 11.

Aalajangersakkanik sanioqqutsisinggaaneq.

Paragrafini 1-imiît 10 ilanngullugu aalajangersakkat inuit immikkut ilisimasaqarluinnartut immikkut ittumik uumasunik nujuartanik ilisimatuutut (biologitut) misis-suinerinut il. il. atatillugu Naalakkersuisut akuersinerat tunngavigalugu sanioqqunneqarsinggaapput. Misissuinerit taamaattut nakkutilliinermik siunertaqarluinnartuussapput (soorlu angalaarfiinik, piaqqiornerinik nerisaannillu paasiniaanerit).

Nalunaarummi matumani aalajangersakkanik sanioqquts-nissamik qinnuteqaatit uunga ingerlatinneqassapput : Kalaallit Nunaanni Namminersornerullutik Oqartussat, Postboks 1060, 3900 Nuuk, qinnuteqaatinilu pissutsit sanioqqutsinissamik qinnuteqaammut tunuliaqtaasut nas-suaqqissaarneqassapput.